

Bosna i Hercegovina
Ministarstvo sigurnosti
Agencija za policijsku podršku/potporu

Босна и Херцеговина
Министарство безбједности
Агенција за полицијску подршку

NACRT



Na osnovu člana 26. stav (1) tačke d) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“, broj 36/08), člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 97/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik BiH", broj 94/14), Agencija za policijsku podršku podnosi

IZVJEŠTAJ O RADU

AGENCIJE ZA POLICIJSKU PODRŠKU ZA 2018. GODINU

Sarajevo, januar 2019. godine

Sadržaj

1. Uvod.....	3
1.1 Rezultati u 2018. godini	3
1.2 Analiza osnovnih problema i izazova koji su se pojavili tokom provođenja godišnjeg programa rada u 2018 . godini.....	7
2. Izvještaj o provođenju akcionog plana predviđenog godišnjim programom rada Agencije za policijsku podršku	9
3. Izvještaj o izrađenim podzakonskim aktima planiranih godišnjim programom rada Agencije za policijsku podršku	13
4. Izvještaj o provedenim konsultacijama kod izrade Izvještaja o radu Agencije za 2018. godinu	14

1. Uvod

Agencija za policijsku podršku (u daljem tekstu: Agencija) je upravna organizacija u sastavu Ministarstva bezbjednosti Bosne i Hercegovine s operativnom samostalnošću. Osnovana je Zakonom o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“, broj 36/08).

Osnovne nadležnosti Agencije su provođenje tenderske procedure javnih nabavki za policijska tijela Bosne i Hercegovine, vođenje Centralne evidencije podataka zaposlenih u policijskim tijelima Bosne i Hercegovine, praćenje nove informacione i komunikacione tehnologije i mogućnosti njihove primjene, izrada aplikativnih i sistemskih programa za različite baze podataka, te pružanje stručne pravne pomoći policijskim tijelima Bosne i Hercegovine.

U periodu 2016-2018. godina Agencija ima za cilj da unaprijedi izvršavanje svojih nadležnosti uvođenjem savremenih metoda rada usklađenih sa evropskim standardima, te poduzimanjem svih aktivnosti neophodnih za potpuno izvršavanje nadležnosti provođenja tenderske procedure za određenu opremu za policijska tijela Bosne i Hercegovine u skladu sa odredbom člana 24. stav (1) tačka j) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine.

1.1 Rezultati u 2018. godini

Provođenje i učešće u postupcima javnih nabavki za policijska tijela BiH

Agencija za policijsku podršku je nakon održanih sastanaka sa direktorima Državne agencije za istrage i zaštitu, Granične policije BiH i Direkcije za koordinaciju policijskih tijela BiH, te analize preporuka Ureda za reviziju institucija BiH i pravnog okvira kojim se reguliše rad policijskih tijela BiH, u saradnji sa Ministarstvom bezbjednosti BiH došla do zaključka da je potrebno pokrenuti proceduru da se donese podzakonski akt kojim bi se na jedinstven način regulisala nabavka opreme za policijska tijela BiH. Donošenjem ovog akta konačno bi se implementirala odredba člana 24. stav (1) tačka j) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine i intencija zakonodavca da se nabavka policijske opreme vrši od strane jednog organa. Naime, Agencija za policijsku podršku bi vršila nabavku policijske opreme za sva policijska tijela BiH, čime bi policijska tijela BiH bila oslobođena ove obaveze, imala mogućnost da se u potpunosti posvete poslovima iz svoje nadležnosti za koje su osnovani, te bile ostvarene velike uštede u budžetu.

Predmet nabavki bi bila oprema i naoružanje navedeno u Pravilniku o standardizovanoj opremi i naoružanju policijskih tijela BiH koje je donio Savjet ministara BiH („Službeni glasnik BiH“, broj 101/12). Navedeni Pravilnik sadrži popis opreme i naoružanja koju koriste policijska tijela BiH, te što je naročito značajno, sadrži i standarde koji se moraju poštovati prilikom nabavki ove opreme. Donošenjem ovog Pravilnika izbjegnuta je situacija nabavki različite opreme, te predstavlja značajan napredak ka poboljšanju uslova u kojima rade policijski službenici BiH. Izbjegnute su situacije nabavljanja opreme koja ne odgovara zadacima koji se stavljaju pred policijske službenike. Nabavkama ovakve standardizovane opreme i naoružanja od strane

jednog tijela omogućila bi se transparentnost postupka, efikasno planiranje, ostvarenje značajnih ušteda, korištenje jednoobrazne opreme i naoružanja, efikasno praćenje da li oprema odgovara zahtjevima, izrada kvalitetnih analiza i izvještaja, te kontinuirano usavršavanje policijske opreme.

U skladu sa navedenim Agencija za policijsku podršku je izradila Informaciju sa prijedlogom zaključaka za Savjet ministara BiH koja se trenutno nalazi u fazi pribavljanja mišljenja Ureda za zakonodavstvo i Ministarstva finansija i trezora BiH, prije nego što bude poslana Savjetu ministara BiH. Informacijom je predloženo da Savjet ministara BiH zaduži Agenciju za policijsku podršku da izradi nacrt podzakonskog akta kojim bi se ova materija regulisala, a institucije u sastavu Ministarstva bezbjednosti BiH obavezale da u tom procesu Agenciji pruže punu podršku.

U vezi navedene Informacije sa prijedlogom zaključaka za Savjet ministara BiH koja je preko Ministarstva bezbjednosti BiH poslana na usvajanje 08.12.2017. godine u toku 2018 godine, i pored više poslanih urgencija i održanih sastanaka. Ministarstvo bezbjednosti BiH nas je informisalo da je traženo mišljenje na predmetnu Informaciju dobijeno od strane Ureda za zakonodavstvo, a da traženo mišljenje Ministarstvo finansija i trezora BiH nije dato.

S obzirom da je u toku usklađivanje Zakona o javnim nabavkama sa relevantnim propisima Evropske unije, Agencija za policijsku podršku je Radnoj grupi za usklađivanje predmetnog Zakona dostavila svoju analizu i prijedlog izmjena i dopuna ovog Zakona, kojim će se materija javnih nabavki u potpunosti uskladiti sa evropskim direktivama na način da će precizirati osnivanje centralnih nabavnih tijela, a što će Agenciji za policijsku podršku omogućiti da bude centralno nabavno tijelo za policijska tijela BiH, što ona u suštini prema Zakonu o Direkciji za koordinaciju policijskih tijela i agencijama za podršku policijskoj strukturi BiH i jeste.

Agencija je u 2018. godini nastavila sa preduzimanjem daljih aktivnosti koje bi dovele do potpune implementacije nadležnosti Agencije u skladu sa članom 24. Zakona o Direkciji za koordinaciju policijskih tijela i o agencijama za podršku policijskoj strukturi BiH.

Organizovano je više sastanaka predstavnika Agencije sa predstavnicima Direkcije za koordinaciju policijskih tijela BiH, Granične policije BiH i Državne agencije za istrage i zaštitu na kojima je dogovoreno da policijska tijela BiH sa Agencijom za policijsku podršku potpišu Sporazuma o provođenju javnih nabavki.

Sporazumom je definisana sljedeća oprema za koju će Agencija provoditi nabavke a koja je navedena u Pravilniku o standardizovanoj opremi i naoružanju policijskih tijela BiH („Službeni glasnik BiH“, broj 101/12), i to:

:

- a) Naoružanje i pripadajuća oprema naoružanja,
- b) Policijska oprema:
 - 1. Osnovna policijska oprema iz Člana 6. stav (1) tačka a),
 - 2. Osnovna policijska oprema iz Člana 6. stav (1) tačka b) brojevi od 1) do 15),

c) Oprema za informatičko-komunikacionu povezanost iz člana 8. stav (1) tačka b).

Sporazumom su, također, definisane obaveze Agencije i policijskih tijela BiH kao i procedure i način provođenja zajedničkih javnih nabavki.

Sporazuma o provođenju javnih nabavki između Agencije za policijsku podršku i policijskih tijela BiH potpisan je 15.05.2018.godine.

U skladu sa Sporazumom o provođenju javnih nabavki između Agencije za policijsku podršku i policijskih tijela BiH, Agencija za policijsku podršku je na osnovu dostavljenih potreba roba i usluga policijskih tijela BiH za period 2019 – 2021. objedinila zajedničke potrebe i sačinila plan zajedničkih nabavki, a koje su se namjeravale pokrenuti u 2018. godini i to:

1.Nabavka municije, zajednička nabavka SIPE i DKPT-a.

2.Nabavka šok spreja, zajednička nabavka DKPT-a i Granične policije BiH.

3.Nabavka usluga servisiranja – pregleda naoružanja, zajednička nabavka SIPE i DKPT-a.

Za postupak zajedničke nabavke šok spreja Agencija za policijsku podršku je izradila tendersku dokumentaciju za obe faze ograničenog postupka i istu objavila na portalu javnih nabavki, odnosno postupak je u fazi dostavljanja ponuda, dok je za postupak zajedničke javne nabavke municije i usluga servisiranja – pregleda naoružanja provedena prva faza ograničenog postupka i donesena je Odluka o rezultatu predkvalifikacije, a u toku je izrada tenderske dokumentacije za drugu fazu ograničenog postupka.

Također, Agencija za policijsku podršku i Direkcija za koordinaciju policijskih tijela su u 2018. godini potpisale dva Anexa Sporazuma o provođenju postupka javnih nabavki kojima je proširen spisak policijske opreme i usluga koje će Agencija nabavljati za potrebe DKPT a sve u skladu sa Pravilnikom o standardizovanoj opremi i naoružanju policijskih tijela BiH („Službeni glasnik BiH“, broj 101/12) .

Na osnovu navedenog Agencija je u 2018. godini provela devet nabavki za Direkciju za koordinaciju policijskih tijela BiH.

Razvoj i implementacija ICT sistema i servisa za policijska tijela BiH

Sektor za informatiku je u prethodnom periodu razvio nekoliko informacionih sistema za potrebe policijskih tijela Bosne i Hercegovine, među kojima su informacioni sistemi za „Međunarodne potjernice za licima – NCB Interpol Sarajevo“, „Vođenje evidencije i dokumentacije iz nadležnosti Agencije za školovanje i stručno usavršavanje kadrova“ i „Elektronska evidencija podataka o uniformama, oružju i pripadajućoj opremi u policijskim tijelima Bosne i Hercegovine“. Svi navedeni informacioni sistemi su uspješno i na vrijeme završeni i pušteni u rad u odgovarajućim institucijama.

Također, Agencija je krajem 2018. godine, na inicijativu Granične policije BiH, započela sa razvojem aplikacije za vođenje podataka o vozilima policijskih tijela BiH, te se potpuna realizacija sistema očekuje krajem 2019. godine. Aplikacija će značajno ubrzati i olakšati rad operatera koji vode svu dokumentaciju o korištenju službenih vozila.

Sektor za informatiku Agencije za policijsku podršku, pružat će aktivnu stručnu pomoć i savjete radi što lakšeg i efikasnijeg korištenja spomenutih informacionih sistema u punom kapacitetu. Nakon završetka prve faze projekta za NCB Interpol Sarajevo, planirano je uvođenje novih korisnika u sistem, njih oko tri stotine, iz dvadeset i više institucija. Agenciji za školovanje i stručno usavršavanje kadrova biti će potrebno pružiti pomoć tokom prijema novih kadeta u ovoj godini što će uključivati kreiranje i popunjavanje dosijea svih novoupisanih kadeta i štampanju diploma za sve uspješno svršene njihove polaznike.

U Agenciji za policijsku podršku je uspostavljeno nekoliko IT sistema kojima policijska tijela BiH pristupaju putem Državne policijske mreže za prenos podataka (SPIN). Predstavnici Agencije su članovi Radne grupe za održavanje i razvoj SPIN mreže čiji je zadatak stalni nadzor sistema, te rad na njegovom unapređenju kao bi se osigurala efikasnija razmjena podataka. U cilju nesmetanog odvijanja poslovnih procesa redovno se prati rad svih komponenti informaciono-komunikacionog sistema Agencije (ažuriranje softvera, upravljanje i rekonfiguracija uređaja, zamjena komponenti i slično), te pruža podrška korisnicima sistema iz policijskih tijela BiH i Agencije za policijsku podršku.

Agencija za policijsku podršku ima članove u nekoliko radnih grupa, među kojima su: Radna grupa za realizaciju Twinning projekta 2012 „Jačanje provedbe zakona“ („Strengthening Law Enforcement“), Radna grupa IPA 2017 „Borba protiv korupcije i organizovanog kriminala“ („Fight Against Corruption and Organized Crime“), te projekat IPA 2015 „Podrška agencijama za sprovođenje zakona u BiH“ (Support to Law Enforcement Agencies in BiH“).

Projekat Twinning projekta 2012 „Jačanje provedbe zakona“ („Strengthening Law Enforcement“) je završen u junu 2018. godine. Rezultat Projekta su preporuke date od strane eksperata iz predmetne oblasti, a odnose se na aktivnosti koje je potrebno preduzeti da bi se unaprijedio rad agencija za provođenje zakona u BiH.

Što se tiče projekta IPA 2015 „Podrška agencijama za sprovođenje zakona u BiH“ (Support to Law Enforcement Agencies in BiH“), Agencija je dio tima Ministarstva bezbjednosti BiH koji radi na koordinaciji aktivnosti vezanim za izradu tehničkih specifikacija za nabavku IT opreme i usluga (IT obuke), između policijskih tijela u BiH. U toku 2018. godine urađeno je usklađivanje i objedinjavanje tehničkih specifikacija i istraživanja tržišta za opremu i usluge koji su predmet nabavke. Navedena dokumentacija je proslijeđena predstavnicima Evropske komisije, te je izvršena objava tendera.

Značaj informacionog sistema „Centralna evidencija zaposlenih u policijskim tijelima Bosne i Hercegovine“ ogleda se u tome da sistem omogućava jednoznačan i efikasan način prikupljanja, organizovanja i upravljanja podacima. Baza podataka je centralizovana i trenutno ima preko 1.900.000 zapisa. Projekat već odavno uspješno funkcioniše i aktivno se koristi u policijskim tijelima Bosne i Hercegovine, te se godišnje zaprimi oko 20 zahtjeva za doradu sistema, koji se

uglavnom realizuju. Osnovni zadatak Sektora za Informatiku biti će i nadalje podrška i prilagođavanje ovog sistema specifičnim potrebama korisnika, što rezultira njegovim stalnim nadogradnjama i unapređenjima.

Pružanje stručne pravne pomoći po zahtjevima policijskih tijela BiH i vođenje Centralne evidencije podataka

Sektor za pravne kadrovske i opće poslove kroz projekat „Pružanje stručne pravne pomoći po zahtjevima policijskih tijela BiH i vođenje Centralne evidencije podataka“ imao je više aktivnosti.

Aktivnost, učešće u izradi normativnih akata po zahtjevima policijskih tijela BiH, realizuje se kroz među institucionalne radne grupe koje vodi Agencija i kroz učešće u radnim grupama koje su formirale druge institucije. Izrađen je Pravilnik o vođenju Evidencije podataka o službenim vozilima policijskih tijela Bosne i Hercegovine, a u okviru radne grupe koju je vodio Sektor za informatiku Agencije. Pravilnik o vođenju centralne evidencije zaposlenih u policijskim tijelima je uspješno završen.

Kroz projekat Centralne evidencije podataka zaposlenih u policijskim tijelima, kao stalni projekat, unaprijeđena je poslovna komunikacija sa predstavnicima policijskih tijela. Održana su četiri sastanka, na kojima je izneseno 19 prijedloga (od strane Agencije i policijskih tijela BiH) za unaprjeđenje i poboljšanje rada sistema Centralne evidencije. Svi pojedinačni zahtjevi od strane policijskih tijela BiH u protekloj godini, uspješno su realizovani.

Urađene su i dvije Analize o popunjenosti radnih mjesta u policijskim tijelima BiH, koje se dva puta godišnje dostavljaju Ministarstvu bezbjednosti BiH. Analize sadrže izvještaje o popunjenosti radnih mjesta po sistematizaciji, broj zaposlenih prema statusu, polnu strukturu zaposlenih, broj zaposlenih po stručnoj spremi, nacionalnu strukturu zaposlenih, te nagrade i odlikovanja dodijeljena u policijskim tijelima BiH.

1.2 Analiza osnovnih problema i izazova koji su se pojavili tokom provođenja godišnjeg programa rada u 2018 . godini

Značajan problem u provođenju aktivnosti iz Programa rada za 2018. godinu je predstavljala nedovoljna saradnja pojedinih policijskih tijela Bosne i Hercegovine vezano za provođenje tenderskih procedura u postupcima javnih nabavki određene policijske opreme od strane Agencije za policijsku podršku. Ovaj problem je dijelom riješen potpisivanjem Sporazuma o provođenju javnih nabavki između Agencije za policijsku podršku i policijskih tijela BiH 15.05.2018. godine.

Na potrebu implementacije odredbi Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, koje se odnose na provođenje tenderskih procedura određene opreme za policijska tijela Bosne i Hercegovine od strane

Agencije za policijsku podršku ukazao je i Ured za reviziju institucija Bosne i Hercegovine u svojim ranim Izvještajima o finansijskoj reviziji.

Takođe nisu donesene nove izmjene i dopune Zakona o policijskim službenicima BiH, što je bio preduslov za donošenje podzakonskih akata.

Jedan od problema je i nedovoljna kadrovska popunjenost, Pravilnikom o unutrašnjoj organizaciji Agencije za policijsku podršku predviđeno 48 radnih mjesta (državnih službenika, zaposlenika i drugih), Agencija tokom 2018. godine radila je i na jačanju svojih kadrovskih kapaciteta.

2. Izvještaj o provođenju akcionog plana predviđenog godišnjim programom rada Agencije za policijsku podršku u 2018.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA INSTITUCIJE BiH											
Opći cilj/principi razvoja: Upravljanje u funkciji rasta (konsolidovani)											
Strateški cilj: Ubrzati proces tranzicije i izgradnje kapaciteta (konsolidovani)											
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti											
Specifični cilj:											
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)	Ostvarena vrijednost na kraju godine (n+1)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1. (program) Podrška policijskoj strukturi u BiH											
1.1. (projekat) Provođenje i učešće u postupcima javnih nabavki za policijska tijela BiH											
1.1.1.(aktivnost) Definisanje vrste opreme i objedinjavanje potreba za istom, za koju će Agencija	Sektor za finansije i nabavku policijske opreme	%	60	70	100	Budžet	122.000	92.624	I kvartal	III kvartal	Agencija za policijsku podršku je na osnovu potpisanog Sporazuma o provođenju javnih između Agencije za policijsku podršku i

za policijsku podršku provoditi postupke nabavki za policijska tijela BiH											policijskih tijela BiH od 15.05.2018.godine definisala vrstu opreme za koju će provoditi nabavke i objedinila potreba policijskih tijela za istom
1.1.2. (aktivnost) Provođenje postupka javnih nabavki za policijska tijela BiH	Sektor za finansije i nabavku policijske opreme	Broj	6	6	9	Budžet	470.000	370.499	I-IV kvartal	I-IV kvartal	Agencija za policijsku podršku je na osnovu potpisanog Sporazuma za nabavku policijske opreme sa Direkcijom za koordinaciju policijskih tijela provela 9 nabavki za njihove potrebe.
1.2. (projekat) Razvoj i implementacija ICT sistema i servisa za policijska tijela BiH											
1.2.1. (aktivnost) Podrška radu i nadogradnja sistema Centralne evidencije podataka zaposlenih u policijskim tijelima BiH	Sektor za informatiku	Procenat pruženih IT usluga policijskim tijelima BiH	80	85	100	Budžet	138.000	127.919	I-IV kvartal	I-IV kvartal	
1.2.2. (aktivnost) Podrška u korištenju, implementacija novih funkcionalnosti i izvještavanje iz informacionih sistema razvijenih za potrebe policijskih tijela BiH	Sektor za informatiku	Procenat pruženih IT usluga policijskim tijelima BiH	80	85	90	Budžet	192.000	179.087	I-IV kvartal	I-IV kvartal	
1.2.3. (aktivnost) IT podrška korisnicima u policijskim tijelima BiH i Agenciji, te upravljanje, nadzor i održavanje informaciono –	Sektor za informatiku	Procenat odgovora na postavljene korisničke zahtjeve u oblasti IKT usluga	80	85	85	Budžet	110.000	102.335	I-IV kvartal	I-IV kvartal	

komunikacione infrastrukture											
1.2.4. (aktivnost) Priprema projektnih prijedloga i učešće u radnim grupama u okviru IPA programa	Sektor za informatiku	Procenat završenih prijedloga projekata, i obrađenih tehničkih specifikacija	80	85	85	Budžet	110.000	102.335	I-IV kvartal	I-IV kvartal	
1.3. (projekat) Pružanje stručne pravne pomoći po zahtjevima policijskih tijela BiH i vođenje Centralne evidencije podataka											
1.3.1.(aktivnost) Učešće u izradi normativnih akata po zahtjevu policijskih tijela Bosne i Hercegovine	Sektor za pravne, kadrovske i opšte poslove	Procenat izrađenih normativnih akata po zahtjevu policijskih tijela	100	100	100	Budžet	133.000	128.711	I-IV kvartal	IV kvartal	Po zahtjevima policijskih tijela BiH izrađena su dva nacrt normativnih akata: 1.Nacrt Pravilnika o vođenju Centralne evidencije podataka zaposlenih u policijskim tijelima BiH 2.Nacrt Pravilnika o vođenju Evidencije podataka o službenim vozilima policijskih tijela BiH
1.3.2.(aktivnost) Rješavanje zahtjeva policijskih tijela BiH za pružanje pravne pomoći	Sektor za pravne, kadrovske i opšte poslove	Procenat učešća u izradi nacrt Zakona o policijskim službenicima BiH	70	80	0	Budžet	19.000	18.387	I – IV kvartal		Policijska tijela BiH nisu Agenciji za policijsku podršku u 2018.godini dostavljali zahtjeve za pružanje pravne pomoći
1.3.3. (aktivnost) Učešće u izradi nacrt Zakona o policijskim službenicima BiH	Sektor za pravne, kadrovske i opšte poslove	Procenat odgovora na postavljene korisničke zahtjeve	70	100	100	Budžet	19.000	18.387	I-II kvartal	II kvartal	Agencija za policijsku podršku učestvovala je u izradi nacrt Zakona o policijskim službenicima BiH

1.3.4. (aktivnost) Izrada Izvještaja o kadrovskoj popunjenosti policijskih tijela BiH	Sektor za pravne kadrovske i opće poslove	Procenat odgovora na postavljene korisničke zahtjeve	100	100	100	Budžet	57.000	55.162	I-IV kvartal	I-IV kvartal	Analiza popunjenosti radnih mjesta broj: 15-3-07-1-136/18 od 22.03.2018. godine i Analiza popunjenosti radnih mjesta broj: 15-3-07-1-3/19 od 31.12.2018. godine
1.3.5.(aktivnost) Davanje inicijativa za nadogradnju i poboljšanje postojećih funkcionalnosti Centralne evidencije podataka zaposlenih u policijskim tijelima.	Sektor za pravne kadrovske i opće poslove	Procenat odgovora na postavljene korisničke zahtjeve	75	90	100	Budžet	57.000	55.162	I-IV kvartal	I-IV kvartal	U 2018. godini od strane Agencije pokrenuto je 8 inicijativa a od strane policijskih tijela 11 za izmjenama i nadogradnju Centralne evidencije podataka zaposlenih u policijskim tijelima BiH
1.3.6. (aktivnosti) Rješavanje zahtjeva korisnika Centralne evidencije podataka zaposlenih u policijskim tijelima BiH	Sektor za pravne kadrovske i opće poslove	Zahtjevi su riješeni	75	90	100	Budžet	95.0000	91.936	I-IV kvartal	I-IV kvartal	U 2018 godini riješeno je 29 zahtjeva policijskih tijela BiH

3. Izvještaj o izrađenim podzakonskim aktima planiranih godišnjim programom rada Agencije za policijsku podršku

IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA INSTITUCIJE BiH							
Opći cilj/principi razvoja: Upravljanje u funkciji rasta (konsolidovani)							
Strateški cilj: Ubrzati proces tranzicije i izgradnje kapaciteta (konsolidovani)							
Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti							
Specifični cilj: Doprinos unapređenju efikasnosti i ekonomičnosti rada policijskih tijela BiH u oblasti upravljanja kadrovima, javnih nabavki, pravnih i ICT usluga							
Naziv podzakonskog akta	Vrijeme provođenja		Status podzakonskog akta zaključno sa 31.12. 2018. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
1.1 (naziv programa) Podrška policijskoj strukturi BiH							
1.1.1. (naziv projekta) Učestvovanje u izradi normativnih akata po zahtjevima policijskih tijela BiH							

Napomena:

Zakon o policijskim službenicima Bosne i Hercegovine nije usvojen u toku 2018.godine, tako da nije bilo zahtjeva policijskih tijela BiH za izradu podzakonskih akata koji proizilaze iz ovog zakona.

4. Izvještaj o provedenim konsultacijama kod izrade Izvještaja o radu Agencije za 2018. godinu

Napomena:

Konsultacije u toku

Broj: 15-6-07-1- /19

D I R E K T O R

dr.sci. Husein Nanić